

मार्निंग डोगरी न्यूज़ बुलेटिन,

समा. 09.20 Hrs

<><><><><><><>

Headlines

- केंद्री मंत्री डॉ. जितेंद्र सिंह होरें आखेआ ऐ जे उडान स्कीम तैहत उधमपुर थमां ब्हाई डोआरिएं गी शुरू करने दा मुकदा फैसले लेई लैता गेदा ऐ ते तौले गै किश्तवाड़ थमां बी इस सेवा गी शुरू करने दा प्रस्ताव ऐ।
- जल शक्ति मंत्री जावेद राणा होरें पुंछ जिले दे कालाबन इलाके च पस्सिएं थमां प्रभावित इलाके च राहत ते पुनर्वास कम्में दी समीक्षा कीती।
- खराब मौसम दी चेतावनी दे चलदे श्री माता वैश्वो देवी यात्रा ते मचेल माता यात्र गी एहतियात दे तौरा पर 4 दिनें लेई बंद रक्खेआ गेआ ऐ।
- आई.सी.सी महिला विश्व कप च अज्ज कोलम्बो दे आर प्रेमदासा स्टेडियम च भारत ते पाकिस्तान दियां टीमां आमने-सामने होडन।
- मौसम विभाग दी चेतावनी साब्वै जम्मू प्रांतै दे बक्ख-बक्ख इलाकें च अज्ज बड्डलै दरम्याने कोला मती भारी बरखा पेई।

<><><><><><><>

Jitender Udh. Airport

प्रधानमंत्री हुंदे दफ्तरै च राज्यमंत्री डॉ. जितेंद्र सिंह होरें दस्सेआ ऐ जे उधमपुर ब्हाई अड्डे गी चालू करने बारै मुकदा फैसला लेई लैता गेदा ऐ जिसले कि प्रस्तावित किश्तवाड़ ब्हाई अड्डे गी

उडान स्कीम तैहत शामिल कीता जा'रदा ऐ। कल जम्मू-कश्मीर लेई नमीं ब्हाई यातायात सरबन्धी योजनाएं दी समीक्षा करदे होई डॉ. जितेंद्र सिंह होरें आखेआ जे क्षेत्री ब्हाई संपर्क गी बेहतर बनाना कुसै बी इलाके दी तरक्की ते खुशहाली लेई बड़ा जरूरी ते लाजमी ऐ। उनेंगी दस्सेआ गेआ जे उधमपुर ब्हाई अड्डे परां शुरू च उडान स्कीम तैहत 72 सीटें आहले ज्हाजें राएं शुरूआत कीती जाई सकदी ऐ ते इंदे च कराए बी खुशबा मजूदा समें दे मार्केट रेट कोला लगभग अददे होडन जिंदे नै मते-मते लोक ब्हाई सेवा दा लाह हासल करी सकडन ते जम्मू-कश्मीर दे दूर-दरेडे इलाकें धोड़ी बी ब्हाई सेवां सखल्ले उपलब्ध होग।

<><><><><><>

Rana Relief

जल शक्ति मंत्री जावेद अहमद राणा होरें कल पुंछ जिले दे मेंढर इलाके च सब डिविजनल सतह दे अमले कन्ने इक बैठक लाइयै उत्थे 'कालाबन' थाहर हाल च पेश आई दी पस्सियां पौने दी घटना करी प्रभावित परोआरें लेई जारी राहत ते आबादकारी दे कम्में-कारवाइएं दी समीक्षा कीती। बैठक दरान मंत्री होरें इस कुदरती करोपी कारण होए दे नुकसान दा पूरा-पूरा ते सेही-सेही मूल्यांकन करने पर जोर दिता। उनें सरबन्धित अधिकारिणं गी निर्देश दिता जे कुसै बी प्रभावित परोआर दी अनदिक्खी नेई कीती जा ते नुकसान दा जायजा पूरी चाल्ली व्यापक, सटीक, पारदर्शी ते समावेशी यानि पूरा पराता होना लोड़चदा।

<><><><><><>

Manhas GGM

हाल च नमैं नियुक्त कीते गेदे भारती क्रिकेट कंट्रोल बोर्ड दे अध्यक्ष मिथुन मन्हास हुंदा कल जम्मू दे जीजीएम साइंस कालेज च निग्गा सुआगत कीता गेआ जित्थे ओह पढ़े देन। कालेज परिसर च पुज्जने पर मिथुन मन्हास हुंदा हर कुसै नै जोरदार सत्कार कीता। कालेज दे प्रिंसीपल रोमेश गुप्ता ते कालेज दे स्टाफ दे अलावा बड़ी बद्द गिनत्री च विद्यार्थी बी उंदे सुआगत लेई मजूद हे जिनें डुग्गर दे सपूत दा दिली सुआगत कीता। मिथुन मन्हास डोडा जिले दे भलेसा गांस दे जद्दी बसनीक न। जम्मू-कश्मीर थमां ओह पैहले क्रिकेटर न जेदे भारती क्रिकेट कंट्रोल बोर्ड द ओहदे तोड़ी पुज्जे न। 28 सितंबर गी अपना ओहदा साम्भने आहले मिथुन मन्हास होरें गी विजन कुसै मखालफत दे आम सहमति कन्नै इस ओहदे लेई चुनेआ गेदा ऐ। कालेज च विद्यार्थिएं गी संबोधित करदे होई उनें आखेआ।

<><><><><><>

Udh. Thard

उधमपुर दे थरड़ इलाके च जम्मू-श्रीनगर जरनैली शिड़का दे 250 मीटर दे हिस्से पर लुक्क पौने दा कम्म शुरू होई गेआ ऐ। एह हिस्सा इक महीने पैहले पस्सियां पौने करी बंद होई गेआ हा। प्रशासन ते निर्माण कंपनी नै गड़डियें दी आओजाई लेई मलबे गी साफ करी दिता ऐ। इस हिस्से च थोड़ी बी बरखा पौने करी बड़ी तलैट होई जंदी ही ते कोई दुर्घटना होने दा खतरा होई जंदा हा ते कई घंटें दा जाम बी लग्गी जंदा हा।

<><><><><><>

DC-Udh. Farmer's Visit

उधमपुर दियां डिप्टी कमिशनर सलोनी राय होरें केंद्र प्रायोजित योजना आत्मा तैहत हिमाचल प्रदेश कृषि विश्वविद्यालय, पालमपुर च करसानी सरबन्धी नमीं तकनीकें बारै सिक्खने लेई 30 करसानें दे इक समूह गी झंडी दस्सियै रवाना कीता। इस दौरे दा आयोजन समग्र कृषि विकास कार्यक्रम दे फुल्लें दे काश्त गी बढ़ावा देने दे तैहत कीता गेआ ऐ। इस दौरे दा मुख मकसद करसानें गी राई-बाई दे क्षेत्र च लागू कीते जा'रदे नमें-नमें नवाचारें ते तकनीकें कन्नै लैस करना ऐ।

<><><><><><>

Weather

ऐतवार बड्डलै जम्मू दे बक्ख-बक्ख हिस्सें च दरम्याने थमं भारी बरखा होई। भारती मौसम मैहकमे नै जम्मू संभाग ते दक्खन कश्मीर दे मते सारे इलाकें च भारी बरखा पौने दी पेशगोई कीती ऐ। मौसम मैहकमे नै 5 अक्टूबर थमां 7 अक्टूबर दपैहरी तगर मौसम खराब रौहने दी मेद दस्सी दी ऐ।

<><><><><><>

Yatra Suspended

किश्तवाड़ जिला प्रशासन नै खराब मौसम दी भविक्खवाणी दे चलदे अज्जै थमां मचेल माता यात्रा गी अगले 3 दिनें तोड़ी रोकने दा फैसला लैता ऐ। जियां के पैहले बी खबर दिती जाई चुकी दी ऐ जे भारती मौसम विभाग नै अज्जै थमां 7 अक्टूबर तोड़ी जम्मू-कश्मीर दे कई इलाकें च भारी बरखा दे असार दस्से न जेदे चलदे महौर सब डिविजन च प्रशासन नै लोकें गी

मता सौहगा ते सतर्क रौहने लेई आखेआ दा ऐ। तोआई, श्री माता वैशणो देवी जी दी यात्रा बी एहतियात दे तौरा पर 8 अक्टूबर तोड़ी बंद रक्खी गेदी ऐ ते लोकें गी अधिकारिक तौरा पर ऐलान नेई होई जाने तोड़ी यात्रा पर नेई औने दी सलाह दिती गेदी ऐ। मकामी लोकें गी बी सलाह दिती गेदी ऐ जे ओह् इस दरान नदिएं-नैहरें, नालें ते होरनें जल स्रोतें कश जाने शा परहेज करन। सब डिविजन च सब्बनें मलाजमें गी बी छुट्टी पर नेई जाने ते अपने स्टेशन यानि इयूटी आहल थाहरै गी नेई छोड़ने दा निर्देश दिता गेदा ऐ।

<><><><><><>

Weather Advisory Mahore

तोआई खराब मौसम दी चेतावनी दे चलदे माहोर सब डिविजन च बी सरकारी अमले ते आम जनता गी बी सतर्क करी दिता गेदा ऐ कीजे 7 अक्टूबर तोड़ी गर्जी-चममिए भारी बरखा ते उप्परले इलाकें च बर्फबारी होने दी बी मेद दस्सी गेदी ऐ।

<><><><><><>

Womens's Cricket

आई.सी.सी महिलाएं दे इक दिवसीय अंतरराष्ट्री क्रिकेट विश्व कप च अज्ज भारत दा मुकाबला आर. प्रेमादासा स्टेडियम कोलंबो च पाकिस्तान कन्नै होग। भारती समें मताबक मैच दपैहरी 3 बजे शुरू होग। भारती महिला टीम नै शुरूआती मैच श्रीलंका गी 59 रन्जें कन्नै हराइये जितेआ हा। दुई बक्खी पाकिस्तान गी टूर्नामेंट दे शुरू च गै बांगलादेश कन्नै मैच च 7 विकट गवाने पर हार दा सामना करना पेआ हा। भारत-पाकिस्तान बश्कार मुकाबले गी लेइए मते रोमांच दे

बावजूद महिलाएं दा मुकाबला म्हेशा गै इक्तरफा रेआ ऐ। भारत इक दिवसीय अंतरराष्ट्री रैंकिंग च पाकिस्तान थमां 11-0 दे रिकार्ड कन्नै अग्गे ऐ। भारत आस्तै मैच सेमीफाइनल तोड़ी पुज्जने दी पीढ़ी ऐ जदके पाकिस्तान आस्तै एह लगातार हारने दी रिवायत गी तोड़ने दा मौका ऐ।

<><><><><><>